



Aku & Buku

Editors:
Fathiyah Ahmad @ Ahmad Jali
Noor 'Izzati Ahmad Shafiai

2025



Aku & Buku



Editor:

*Fathiyah Ahmad @ Ahmad Jali
Noor 'Izzati Ahmad Shafiai*

Penerbit:

UiTM Cawangan Kedah

e ISBN 978-967-2948-81-0



9 789672 948810

Hak Cipta

Hak cipta@ adalah milik penulis/pemilik asal. Penyuntingan bahasa dan pembacaan pruf telah dijalankan oleh pasukan editorial dengan kebenaran penulis.

Segala pandangan, pendapat dan syor teknikal yang dikemukakan oleh penyumbang adalah tanggungjawab mereka sepenuhnya dan tidak semestinya mencerminkan pendirian editor, fakulti atau universiti.

Tiada bahagian dalam penerbitan ini yang boleh diterbitkan atau dipindahkan dalam apa jua bentuk atau cara, sama ada secara elektronik atau mekanikal, termasuk fotokopi, salinan semula atau sebarang sistem simpanan dan capaian, tanpa kebenaran bertulis daripada Rektor, UiTM Cawangan Kedah, 08400 Kedah.

eISBN: 978-967-2948-81-0

Diterbitkan oleh:

Universiti Teknologi MARA
08400 Merbok, Kedah, Malaysia

Editor:

Fathiyah Ahmad @ Ahmad Jali
Noor 'Izzati Ahmad Shafiai



Kandungan

Tajuk

Muka Surat

Kata Pengantar

Kata Aluan

Pendahuluan

1. Peneman Setia	1
2. Cinta Ekonometrik dan Cinta Residual	5
3. Inspirasi Dale Carnegie	8
4. Aku, Buah dan Buku	15
5. Dari Cerita Dongeng, Akhirnya Menggapai Impian	20
6. Aku di Alam Buku	24
7. Kisah Imam Syafie	27
8. Menyingkap Kegemilangan Umat Islam di Andalusia	33
9. Kisah Penaklukan Kota Konstantinople oleh Sultan Muhammad Al-Fateh	39
10. Bukuku adalah Teman Karibku	45
11. Korban Kasih	51
12. Buku, Penyelamatku	54
13. Aku, Abah dan Buku	58
14. Sebuah Buku Berwarna Coklat	62
15. TAMAR JALIS: Stephen King Malaya	65
16. Jasa Terindah	68
17. Ditandang Lagi	71
18. Anak Sulung	76
19. Inspirasi Membentuk Jatidiri	79
20. Dari Lemari Antik Moyang ke Troli e-Dagang	82
21. Menara Alam dan Kimia Manusia	86
22. Minat Membaca yang Hilang	91
23. Satu Jam Boleh Merubah Hidup	93
24. Pengembaraan Melalui Kuasa Petikan	96
25. Kāna yāmā kān	99
26. Aku, Buku dan Secangkir Kopi	102
27. Manisnya Senyumanmu	105
28. Anak-anakku & Buku	110
29. Buku Mendidik Aku	114
30. Sebuah Perjalanan Menemukan Diri	118
31. Menggenggam Bara	122
32. Diari Perjalanan Aku dan Buku	126
33. Kertas-kertas yang Harum	129
34. Pasti Ada Minatku	132
35. Aku, 'Buku Pink' dan Tesis: Kisah Kerinduan, Penantian dan Harapan	135
36. Kehidupan dalam Kata: Buku Guru Sebuah Kehidupan	140
37. Manga dan Aku	144
38. Dirimu Sentiasa Ada!	148
39. Sihat with Me	152
40. Aksaramu Inspirasiku	155
41. Kerana Sebuah Buku	159
42. Pahit Manis Pengalaman Bersama Buku	161
43. Ibrah Melalui Syukur	165
44. Kenangan Itu	168
45. Perjalanan Literasi: Dari Perpustakaan Sekolah Hingga ke Universiti	172
46. Buku "Tangan Kedua"	176
47. "달콤한 추억" di Bumi Korea	180
48. Pi Mai Pi Mai Bersua di PBAKL 2024	183
49. Baca Buku? Nerdlah Pulak!	186
50. Kekuatan di Sebalik Buku Pemberian Sahabat	190



Kata Pengantar

Projek Aku & Buku ini merupakan sebuah inisiatif murni oleh Akademi Pengajian Bahasa, Universiti Teknologi MARA Cawangan Kedah yang menghimpunkan karya penulisan kreatif oleh seluruh warga Universiti Teknologi MARA (UiTM) dari pelbagai fakulti dan jabatan. Kompilasi ini adalah manifestasi semangat cinta terhadap ilmu, bahasa, dan budaya, serta usaha berterusan untuk memupuk pemikiran kritis dan ungkapan kreatif di kalangan warga universiti.

Penulisan dan penerbitan merupakan antara medium utama dalam penyebaran ilmu, dan ia memainkan peranan penting dalam pembentukan masyarakat berilmu dan berbudaya. Namun di samping kesibukan menulis artikel ilmiah berimpak tinggi, projek Aku & Buku muncul bagi menawarkan peluang warga universiti untuk menulis buah fikiran dan pengalaman peribadi dalam bentuk santai namun sampai ke hati pembaca. Himpunan karya-karya kreatif ini bukan sahaja menyemarakkan lagi arena kesusasteraan tanah air, tetapi turut memberi peluang kepada para akademik untuk menyuarakan idea, pandangan, dan imaginasi mereka dalam bentuk yang segar dan bermakna.

Sebagai institusi pengajian tinggi yang sentiasa mendokong nilai keilmuan dan pengembangan minat dalam apa jua bentuk penulisan, UiTM berbangga dapat menyokong dan merealisasikan penerbitan buku ini. Semoga karya-karya yang terkandung dalam kompilasi ini menjadi sumber inspirasi dan rujukan berharga kepada pembaca dari pelbagai lapisan masyarakat.

Setinggi-tinggi penghargaan diucapkan kepada semua penulis yang telah menyumbangkan karya serta pihak yang terlibat dalam menjayakan penerbitan ini.

Selamat membaca.

Ketua Editor,
Fathiyah Ahmad @ Ahmad Jali
Noor 'Izzati Ahmad Shafiai





Kata Aluan



Alhamdulillah, setinggi-tinggi kesyukuran dipanjatkan ke hadrat Ilahi kerana dengan izin-Nya, Projek Aku & Buku berjaya diterbitkan. Kompilasi ini merupakan manifestasi minat yang tinggi terhadap bahasa dan penulisan kreatif, yang lahir daripada ilham serta komitmen seluruh warga Universiti Teknologi MARA (UiTM).

Setinggi-tinggi penghargaan dan terima kasih diucapkan kepada semua penulis yang telah menyumbangkan karya, serta warga kerja yang terlibat dalam menjayakan projek ini. Usaha ini membuktikan bahawa institusi pengajian tinggi bukan sahaja menjadi medan penyebaran ilmu, malah turut menyemarakkan elemen budaya dan kreativiti dalam penulisan.

Unit Penerbitan

Fathiyah Ahmad @ Ahmad Jali
Noor 'Izzati Ahmad Shafiai
Siti Mukhlisa Mohamad Khairul Adilah
Nurfarisya Hafiz
Berlian Nur Morat
Nor Asni Syahriza Abu Hassan
Syakirah Mohammed
Hajjah Sharina Saad
Mas Aida Abd Rahim
Syazliyati Ibrahim
Abdul Majeed Ahmad

Penyunting

Berlian Nur Morat

Pereka Layout & Grafik

Asrol Hasan

Semoga buku ini menjadi inspirasi kepada para pembaca dan terus menggalakkan penghasilan karya kreatif yang berkualiti pada masa akan datang.

Sekian, terima kasih.



Pendahuluan

Penulisan kreatif merupakan medium penting dalam menyampaikan nilai, emosi dan pemikiran masyarakat. Ia bukan sekadar hiburan, malah berperanan dalam mencorak budaya intelektual dan memperkaya khazanah ilmu. Projek Aku & Buku ini merupakan sebuah himpunan karya penulisan kreatif yang lahir daripada ilham dan bakat warga akademik, khususnya dari Akademi Pengajian Bahasa, Universiti Teknologi MARA (UiTM) Cawangan Kedah, serta sumbangan penulis dari fakulti dan institusi lain.

Kompilasi ini menampilkan pelbagai genre dan gaya penulisan yang mencerminkan kepelbagaian latar belakang dan pengalaman para penulisnya. Usaha ini sejajar dengan aspirasi UiTM dalam menggalakkan budaya penulisan, penyelidikan, dan penerbitan sebagai tunjang penyebaran ilmu yang berterusan kepada masyarakat.

Menerbitkan karya kreatif dalam bentuk buku bukan sahaja membuka ruang kepada ekspresi diri, tetapi juga memperkukuh peranan institusi pengajian tinggi dalam memperkaya wacana sastera tempatan. Semoga buku ini dapat menjadi pencetus inspirasi, pemangkin idea, serta wadah untuk menyemai minat terhadap dunia penulisan dan pembacaan.



Anak-anakku & Buku

Azlan Abdul Rahman

Akademi Pengajian Bahasa (APB) UiTM Cawangan Kedah

Kalau tanya saya, apa benda paling saya suka tengok dalam rumah sekarang? Jawapan saya mudah—anak-anak saya dengan buku di tangan. Dulu, kalau masuk rumah kami, pemandangan biasa adalah TV yang terpasang, anak-anak leka menonton kartun, dan sesekali suara mereka bergaduh berebut mainan. Tapi sekarang? Ada satu perubahan yang sangat ketara—anak-anak semakin memilih untuk membaca.

Sebagai ibu bapa, perubahan ini buat kami tersenyum. Tetapi sebenarnya, semua ni bukan berlaku secara tiba-tiba. Ada usaha yang kami lakukan untuk tanam minat membaca dalam diri mereka. Dan percayalah, ini bukan kerja sehari dua.

Suka untuk saya kongsi apa yang kami buat. Bukanlah cara terbaik, tapi ini yang berhasil untuk kami suami isteri. Mungkin juga boleh jadi inspirasi dan panduan buat ibu bapa lain.

1) Sokongan Moral – Pujian Itu Magis!

Saya masih ingat lagi hari pertama Adzraf, anak kedua saya, betul-betul jatuh cinta dengan buku. Dia datang mendekati saya, sambil memegang sebuah buku komik dan tersengih lebar. Matanya bercahaya penuh keterujaan.

"Papa, adik nak cerita pasal buku ni!" katanya dengan nada penuh semangat.

Papa pun layan je, angguk dan dengar. Lepas dia habis cerita, papa tepuk bahu dia sambil kata, *"Wahhh, hebatnya adik ni! Suka baca buku. Papa bangga dengan adik!"*

Reaksi dia? Senyum selebar alam!

Sejak hari tu, setiap kali dia membaca apa-apa buku, mesti dia akan menceritakan semula pada Papa. Dan setiap kali itu juga, Papa akan puji dan beri semangat. Walaupun nampak kecil, pujian inilah yang menjadi bahan bakar semangat dia untuk terus membaca.

Tetapi, buku ada saingan besar — Televisyen dan telefon bimbit! Jadi, kami suami isteri sepakat membuat satu peraturan mudah: Telefon hanya boleh digunakan pada waktu malam, sebelum tidur. Pada waktu siang, sekiranya tidak menonton TV, mereka perlu melakukan aktiviti lain — dan membaca buku adalah antara pilihan utama.

Kadang-kadang, kami memberikan cabaran: *"Siapa boleh habiskan buku ini dalam seminggu, akan dapat waktu tambahan bermain telefon"* Bila ada 'game' seperti ini, mereka lagi bersemangat untuk membaca. Mesti pulun habis!

Satu lagi *trick* yang menjadi, kami galakkan mereka membawa buku ke sekolah. Semakin lama, mereka bukan sahaja membaca sendiri, tetapi turut mengajak kawan-kawan sekali. Sekarang,

Adzraf dan Si Abang, Adzeef sudah ada *book buddy*. Mereka siap bertukar-tukar buku! Bijak, kan? Papa pun dapatlah jimat duit dan tidak perlu membeli buku selalu.

2) Sokongan Material – Biar Mereka Pilih Sendiri

Satu kesilapan yang ramai ibu bapa buat adalah dengan membeli buku yang mereka rasa bagus, tapi bukan yang anak-anak suka. Kami mengambil pendekatan berbeza. Kami membiarkan anak-anak memilih sendiri buku-buku mereka. Tak kisah lah kalau pilihan pertama mereka komik Boboiboy ke, Ejen Ali ke, Doraemon ke, janji mereka membaca!

Dan menariknya, bila dah terbiasa dengan buku, perlahan-lahan mereka mula meneroka genre lain. Adzraf masih setia dengan komik, tetapi si abang pula dah mula membaca buku kisah-kisah Rasul dan sejarah yang tebal-tebal tu (ya Allah, mahal weh buku-buku ni! 😊). Tapi tak mengapa, ini pelaburan ilmu.

Kami juga mewujudkan sistem ganjaran. Siapa yang berjaya menghabiskan buku, boleh *request* buku baru. Dan yang paling membuat mereka bersemangat—buku bersiri! Apabila mereka telah selesai dengan sebuah, mesti tak sabar untuk membaca sambungannya. Bijak, kan? 😊

Oh ya, kalau ada rezeki lebih, boleh cuba buat sudut bacaan di rumah. Kami juga masih baru berjinak-jinak dengan menyediakan satu sudut bacaan, tapi hasilnya memang best! Bila ada satu tempat khas untuk membaca, anak-anak lebih teruja. Bonusnya? Rumah pun nampak lebih kemas dan cantik. Cumanya, kami sekeluarga juga automatis perlu lebih rajin mengemas ruang tersebut.



Sudut bacaan di rumah. Lokasi kegemaran hero bertiga di rumah

3) Menjadikan Membaca Sebagai Gaya Hidup

Satu perkara penting, anak-anak belajar dari apa yang mereka nampak. Kalau setiap hari mereka lihat ibu bapa mereka pegang telefon, tengok Netflix, atau sibuk dengan kerja, mereka juga akan fikir itu normal. Jadi, kami suami isteri cuba jadi contoh terbaik kepada anak-anak.

Kadang-kadang, bila anak-anak duduk membaca, saya turut menyertai mereka dengan buku di tangan. Tak perlu pun membaca lama, cukup sekadar membolehkan mereka merasakan kehadiran kita. Lama-kelamaan, mereka akan faham yang membaca bukan sekadar hobi, tapi sebahagian daripada kehidupan.

Kami juga selalu membawa mereka ke kedai buku. Tidak semestinya membeli setiap kali pergi, tetapi bagi pastinya mereka merasa seronok memilih buku sendiri. Bila menjengah kedai buku, saya suka melihat mata mereka bersinar dan teringin nak membawa pulang semua buku di situ!

Kadang-kadang, kami membuat sesi membaca bersama-sama. Sambil duduk-duduk santai di ruang tamu, semua memegang buku masing-masing. Sesekali, mereka akan bertanya, *"Papa baca buku pasal apa?"* atau *"Mama, ni maksud apa?"*

Momen-momen kecil macam ni buat saya sedar yang membaca sebenarnya bukan sekadar aktiviti individu, tapi juga satu cara untuk mengeratkan hubungan keluarga.



Pesta Buku, lokasi wajib setiap tahun untuk anak-anak!!!


4) Membaca Bermula Dari Rumah

Hakikatnya, anak-anak belajar dari apa yang kita biasakan. Kalau sejak kecil mereka terbiasa dengan buku, besar nanti pun mereka tidak akan merasakan membaca sebagai sesuatu yang 'paksa rela'. Kami bukanlah ibu bapa yang sempurna, tetapi kami percaya bahawa sedikit usaha yang konsisten akan membentuk tabiat yang baik.

Jadi, buat ibu bapa yang sedang mencari cara nak memupuk minat membaca dalam kalangan anak-anak, mulakan dari rumah. Pilih strategi yang sesuai, dan yang paling penting, jadilah contoh terbaik untuk mereka. Kerana akhirnya, anak-anak adalah cerminan kita.




Membaca bermula dari rumah. Biar santai, janji sampai!!!



Aku & Buku

2025



e ISBN 978-967-2948-81-0



9 789672 948810

